


PL
2732
A56
1695
v. 7





源洋山人文略卷九

新城王士禎字貽上

誥授奉政大夫廣西分巡左江道按察司

事李公墓誌銘

公諱允禎字貞甫別字脩菴其先贛人後遷濟南
之德州曾王父汝棟隆慶庚午舉人王父煥太學
生考嗣美贈奉政大夫工部員外郎李氏之世至
方伯公逢時始大方伯爲御史有聲明世宗朝嘉
靖庚戌屢上書言兵事其後出按宣大力言馬市
非是忤大將軍仇鸞事具前史自方伯至公凡四

公少而端重不妄言笑稍長嗜讀書湛於古學
工部侍郎程公紹見其文異之崇禎癸酉舉鄉試
蒙因公車順治元年除知故城縣改知豐縣遷兵
馬司指揮歷工部營繕主事虞衡員外郎屯田郎
中擢廣西左江道僉事以病致其政歸歸五年卒
其爲故城路當子午會國初征勦四出舟車繹騷
公按符而給民不知病縣戶丁額二萬餘鼎革後
死亡過半而額征如故公編審得見丁七千有奇
餘悉除去始至豐吏盛陳金幣於署公曰此餌我
也卻之縣民歸訟者羅織富人輒破家公請於監

司臺受牒必下之縣。得誣罔狀。按察某等。等
等於通衢訟以衰止。豐民某妻美而艷。其僚
豪也。挑之不從。又詬厲之。豪怒。賂盜引某誣服矣。
公閱案牘所坐止。一布疑之夜微行入獄。有二
閹中偶語收案之。卽豪也。詰得其奸。立釋某而置
豪於法。甲弟死。利寡婦之產。賂乙自誣與婦姦。公
下乙獄。遣甲與婦歸其家。久不爲理。而令獄吏私
於乙。曰。甲與弟妻已均產。釋惡矣。及卽訊。先呼甲
案前。語叱之退。繼呼乙至。佯怒曰。據甲供狀。乃強
姦。強姦罪當死。趣下重囚獄。乙謂甲賣已。懼吐實。

遂正二人罪有兄弟訟田直在弟而吏數直其兄
公反其獄而責以大義二人慚悔痛哭遂爲兄弟
如初其治獄明決皆此類河決徐州臺符下徵柳
萬東例派里社公曰吏樂從事民將弗堪但下教
偕牛車數兩吏不測所爲以請公曰豐西鄙十里
許有柳蓄衍數百畝無主者刈取之足辦此矣事
集而民不知太學生吳某連土寇陷陽山監司才
公俾攝其事屬以辦賊公出不意掩捕獲之餘黨
解散株連者悉置勿問越數日濟上軍至聲言且
屠城公曰吾酒無屢犒師數十里外其師欲入城

覬賊公曰罪人已得餘皆赤子何足言
不可縣境以安其在工部督造端門工成進秩
賜文綺廐馬督清江廠船政潔廉自矢材美而工
良窮丁無力供造有係累瀕死者盡釋之暇則復
清江書院以造士歲饑設三廠以食餓人全活萬
計公自縣令歷郎署陟監司所至以幹局見稱而
聲流聞乎於神明格及盜賊其事往往甚異嘗
夜自碭山渡河遇賊艘知爲公也相戒勿犯赴粵
舟次小孤山風起水湧長年無人色公仰天祝曰
某平生自信俯仰無愧否者神當覆吾舟語畢而

止待 命岳州愛岳陽樓風物之美遂居之午

夜恍惚若有神告曰速去甫移居而樓火公少事

王父父母以孝聞既舉孝廉盡推產與其弟歸里

後杜門謝賓客訓課子姓門以內皆有禮法數語

以祖宗忠厚勤儉之道或以橫逆來輒異語謝之

不較也鄉鄰皆以公爲長者生以明萬曆庚子十

一月十一日酉時卒以康熙元年九月二十六日

巳時得年六十有三娶宋氏贈宜人繼趙氏董氏

封宜人子三人浹順治丙戌進士芮城縣知縣朱

以海康縣元丙辰進士翰林院編修潤廩

生董出女子一人
二月十五日葬河東祖塋系以銘銘曰

試當盤錯古循吏仕不大昌功則沛令名無窮年
不逮有子式穀及苗裔我銘其藏視萬世

下步月于友嫌父苗裔好給其題題萬世

乃當繼繼古前更封不六昌四限前會多要

一民十不日美而東通坐茶以給給曰

主重水女子一入通通通通通通通通通通

敕授文林郎河南道監察御史趙公暨配

呂二孺人合葬墓誌銘

康熙丁卯冬前河南道監察御史趙君卒於里第
逾歲其孤澤普以狀來泣請誌隧道之石君仕順
治之初予尚童穉及予通籍於朝則君歸田閒
久矣故予與君平生弗習也然竊聞鄉人言君爲
政於家四十載事繼母至孝友于兩弟范曄所稱
成名立方而可書獨行者君實有焉最君門內一
節已足信惇史傳後世況其表表者不但已也君
諱班璽字受介別字餘菴益都顏神鎮人也其始

自北崖泉徙高祖考龍泉公敬簡嘉靖丙午舉人
章昌府通判曾祖考肅齋公爾待萬曆癸酉舉人
金華府推官皆有名蹟祖考服休考世燭諸生性
叔儻教子甚嚴君叔儻過其父而事親孝謹嘗大
雪待簷下雪沒脛不敢退早補青州府學生員爲
文章敏妙絕人或列置數題數人環給筆札徐行
口授一時並就文采爛然人輒無能效者順治乙
酉舉鄉試第四名明年釋褐成進士時

世祖章皇帝定天下初行制舉 詔禮部貢士自
庶吉士外拔其尤二十人授科道官君在選中補

河南道監察御史出按四川時秦寇賀珍武大定
等出沒秦鳳沔漢閒褒斜道梗君募壯士數十身
帕首握刀跨馬日馳百餘里度隴坂之險閒道崎
嶇達漢中至葭萌賊翻天鵲者據巓投石不得過
君諭以 朝廷威德降之時成都尚未內附以保
寧爲行省治所君抵闔巡撫都御史李勤襄公國
英暨總兵官馬化豹嚴自明惠應詔等諸大帥皆
在易君儒者以軍事嘗君君爲畫隴蜀要害且
言大兵掃除寇孽之後不事戰而事守填撫之術
不以兵而以將某以書生受

天子命在行閒誠無所事事顧諸君功罪可入告
也遂閱軍實饗士卒單騎按行諸壁壘丰采凜然
衆乃懾服按部順慶萬縣賊數千北走遣精騎迎
擊破之通川南路已而惠帥營卒毆民幾死君捕
而笞之一軍盡甲君上疏劾奏曰全蜀當獻賊蹂
躪之餘戶口殆盡臣按部所至唯見黃蒿塞路白
骨盈城耳蜀地先叛後服自昔而然今天威震
疊新入版圖惟恃封疆文武大吏招徠有方申明
約束使兵民相安西南可幸無事總兵官惠某桀
驁自恣縱兵殃民跋扈飛揚漸不可長非痛加誅

譴臣恐禍亂之萌方自此始是時妻裴反河東
延關內疏久之乃得達得 俞旨既復 命尋
山西未幾召還辛卯七月丁父憂歸遂罷君歸而
奉母怡聲柔色御食佐餽扶持抑搔如孺子太孺
人安之忘其非已出也篤愛兩弟易衣共覲不減
古人置田授宅過其子鄉里化之顏鎮富山水暇
卽登臨置酒召親故飲奕絲肉間作尤喜獎藉後
進以執文就質者丹鉛甲乙與壺觴錯互經其指
授率得雋去丁卯十一月示微疾卒年七十配房
氏繼配呂氏俱前卒箴管簠飴以先介婦前後齊

執子七人澤普澤鼎澤旭澤愚澤同澤壯澤漸女
子六人李唐瑚仇昶孫子仲韓聰臨高之騶其適
也一未字孫七人允彬允莊允正允智允禮允冲
允祺以康熙二十七年十月十七日合葬虎埠崖
之祖厝系之銘曰

譬于越出匣而未竟其用我特書之視君陳與張
仲

誥封昭勇將軍童太公墓誌銘

余居京師於交遊士大夫閒聽聞雲麾將軍童君
求我之賢童君之子又受經吾友中書舍人李君
之門故予知童君家世尤悉舍人嘗爲余言童君
父瑞芝先生今之古人也已聞先生卒童君方病
亟又以毀卒於是士大夫聞者莫不咨嗟太息適
舍人以先生諸子狀來請誌隧道之石不可辭則
撫其實而書之按狀先生諱庚年瑞芝字也其先
蘭谿巨族九世祖以明永樂閒徙北平隸籍錦衣
衛爲京師人數傳至贈武略將軍完初公是爲先

先父有子七人先生長也少讀書有名諸生閒已
愈父老慨然從業稍習計然之術事武略色養慎
終宗族稱孝諸弟多早世與鑾儀裕成君相友愛
白首無閒言教童君兄弟如嚴師口授孝經小學
應對進退皆有禮法童君既服官環衛益勉以忠
孝大義順治丙申年五十有七卽以家務付諸子
語之曰吾夙昔有向禽之志今其時矣結茅西山
之麓當水石佳處與二三禪衲往復扣擊結忘言
之契春秋勝日蠟屐扶筇探尋夔絕見者以爲雷
火柴劉遺民之流也晚攜筇廬數椽在鹿鳴潭中

日焚香默坐而已去京師百里有年矣
已未春童君兄弟迎養歸里第夏四月以疾終終
正寢春秋八十將易簀顧諸子曰生死晝夜耳勿
過悲婦女各歸室勿亂人意惟一二老友以善吾
生者善吾死願畢矣遂遽然而逝先生爲人忠信
樸直與人交久而能敬嘗面折人過退無後言取
與一介不苟有德必酬其或負已者坦然忘之不
較也武略在時或以金相付託其人死且久訪其
子孫倍予之蓋嚴於義利之辨如此以長子蒙吉
官雲麾使初封武略將軍進封昭勇將軍生前明

曆庚子十月十八日卒康熙十八年己未四月
十一日配楊氏故錦衣衛百戶其澄女子三人長
蒙吉鑾儀衛掌左所雲麾使後先生卒次蒙利太
學生次蒙貞兵馬司指揮女子四人長適邵陽縣
丞陳貞次適太學生亢文光次適丁宣茂次適候
補主事張猷孫八人金粟金莖金章金鑑金華金
璧金奎金鑣會孫二人潮潤以康熙十九年三月
初一日葬左安門外三里墳庄寺前系之銘曰
先生之志寧靜澹泊先生之身貞觀丘壑八十年
中不愧不怍神遊太初翔乎寥廓哉觀九原逝者

可休

水野龍溪

候選知縣馬君墓誌銘

康熙二十年十一月二十五日渠丘馬君三如卒
瀕易簣顧屬子石麒曰吾卽死必阮亭子誌吾墓
旣而石麒持狀匍匐千里將父治命予交君兄弟
三十年矣雖言之不文不忍辭按狀君諱長春三
如字也世爲青之安丘人九世祖四公卜居城東
五里河一日樵於壠次有虎伏林莽眈眈然四公
祝之虎遽弭首去人稱虎林馬氏七傳至中丞公
文燁明嘉靖壬戌進士歷官都察院右副都御史
巡撫江西以功名著聞是爲君曾祖中丞有子三

人長應龍與弟給事中從龍俱成萬曆壬辰進士
歷官禮部精膳郎中平生著書數百卷號稱博雅
是爲君祖禮部生廣文孟道是爲君父君少穎異
又家多賜書與從父弟澄承其家學以古作者自
期從給事公受三禮又從萊陽宋澄嵐先生遊與
諸宋給事琮侍郎玫相後先名日起後入大澤山
讀書遇掖人王漢上下其議論交相重也一日歸
給事問所與友對曰有王子房者讀書不事章句
知霸王大略將相才也未幾王登第不數年至都
御史死兵間世謂君知人崇法甲申之亂率宗

渡客金陵時中原板蕩四方名士猶集雷都峯
結納久之北歸鄉里順治丙戌秋再舉鄉試遂薦
於有司數因公車不以屑意治圃數畝有古木數
百章修竹千挺又植昌州海棠紅梨各一株於草
堂之側布袍草履日婆娑其閒樂而忘老性嗜茶
茶具必精好嘗蓄名茶客至論文輒自煎點飲客
以爲樂蕭然欲友陸鴻漸碣之之流於千載之
上友人韓君爲長興令邀過之君笑曰吾當爲
茶往耳行滕負簞入洞山顧渚閒身雜茶人采焙
傾橐中裝悉以製茶其漫興如此法書名畫彝鼎

之屬過眼輒辨時代往往與衣易之遇亂崎嶇避
地必以自隨邑人李氏有古鼎君嘗借觀倉皇南
渡及河得之囊中曰吾歸未有期寧以一物失信
故人耶遣使數百里負而還之君清真簡遠望之
如晉宋間人然言動必遵古禮少養於王母辛安
人辛安人曰此子生而知禮當使學禮因授三禮
之學於給事公云嘗定祭儀一卷躬行於家人取
衷焉甲申奉兩尊人避賊瑯邪山中晝負母而逃
夜則負米山外往往至終日不食親亡後有時食
必墓祭然後敢嘗臠平生琴瑟几杖脂澤匱具之

屬輒嗚咽流涕江南王良年流寓北海
賻祿墳墓養其母終身宗族親戚倚以婚嫁者
衆族弟某粥田于君旣數歲矣一旦呼語之曰吾
受此田懼汝幼不能守也今母慮矣以還汝劉丙
妻某氏夫死誓不嫁其伯強之不從號於塗君過
而問之改容曰貞婦也乃欲奪其節乎禮而養之
爲畢男女婚嫁趙某者家貧將粥妻妻抱子泣君
聞而止之曰已受直奈何君立以十緡償之妻得
不粥歲大祲縣欲報富戶以賑貧君請於令曰富
戶報貧者未必濟乃富者亦貧矣令悟事遂已

生厚德不勝書書其梗槩如此君與澄皆以詩名
澄前卒其詩多散軼康熙庚申君寄子五言詩一
章子酷愛其語似孟東野亦賦五言寄之未逾歲
而計至嗚呼悲哉君旣困公車康熙庚戌隨例試
吏部得縣令需次而卒生於故明萬曆三十四年
七月二十五日距其卒得年七十有六娶高氏繼
娶高氏子一石麒麟女子一適韓知靜孫一維駒君
彌留時所命名也所著竹香齋集若干卷藏諸家
某之銘曰

紛華適真素七十年蛻風露汶河之濱有貞

後之過者式君墓

This image shows a blank, aged, cream-colored page, likely an endpaper or flyleaf of a book. The paper has a slightly textured appearance with some minor creases and discoloration, characteristic of old paper. The left edge of the page is bound, showing the inner cover material and the stitching of the binding. There is no text or other markings on the page.

文獻卷九

廿四

待封徵仕郎文學陸先生墓誌銘

先生姓陸氏諱敷樹字映萼別字賁菴唐宰相宣公三十三世孫也世居嘉善縣東北奉賢鄉稱奉賢支宋廸功郎伯玉公諱瑀者有子四人皆致通顯始大其家王父繼林鄉飲賓父維祺太學生世有隱德母郁孺人生母黃孺人先生幼篤孝黃孺人感心疾十餘載屢籲天請代孺人卒攀車轉欲以身殉父太學君曲譬之乃泣涕受命久之學使者按郡或引禮經庶子在父之室則爲其母不禮之文勸就有司試泣謝不應鄉黨稱孝焉君母郁

人病皆鍼藥皆不瘳公日夕舌舐之目復明
以爲孝感事父母極色養居喪日進一溢米三年
未嘗見齒撫兩庶母弟遠樹恒樹無閒言先生天
姿穎異爲文以具區石簣爲法西江黎公博菴督
學兩浙待以國士名日起一日遊雲栖遇異僧謂
君骨相有厚福第不獲身貴耳自是無干祿意課
子榮登榮科讀書每至漏下四十刻引燭令歸寢
乃寢康熙庚戌榮登成進士歸誠之曰古人顯親
非科第之謂其謂資父事君造福民物庶於祖德
詩書兩無負耳吾三十年前見一村農受貴家豪

奴捶擊吾廉其族望密以告得釋免否者聽老
矣士大夫置身高倨外言不得入惟左右狎近
聽不至流毒鄉黨不止小子識之性儉朴斷
粟怡然樂之終身不置妾媵徒步出入里門
值故交野老與談夙昔道桑麻晴雨長吏下
車一通姓氏不復請謁尤敦故舊業師某歿
久未葬手爲營窆封樹賙卹貧乏無倦色津
梁道路圯者陂者身任修葺常大書爲善最
樂四字置座右焉已未弟遠樹歿以哀致疾
遂不起所著四子精義世滋堂文集輯古今
人四六各若干卷嘗讀王介甫集

至先大夫述舉示榮登曰子不可諛父是文足以
法矣榮登志緒言故述先生行實而可信生明萬
曆三十九年十二月十二日亥時卒康熙十九年
二月二十五日申時享年七十元配盛氏子二人
榮登康熙庚戌科進士廣東英德縣知縣榮科庠
生女一適楊雋標孫四人起蒼起蔚起苞起芳榮
登以辛酉年十二月十八日卜葬奉賢鄉麗字圩
東南阡祖塋之次遵治命也銘曰

貞元宰相之子孫流風奕葉傳清門繩其祖武昌
後昆身雖歿矣道則尊我銘其幽無愧言後有知

者觀九原

文獻卷八

賜進士出身高君暨韓孺人合葬墓誌銘

陶弘景自言永明中求祿得輒差舛不爾豈得爲
今日之事姚平仲出奇計夜斫營壘一不中騎青
羸夜馳七百里入蜀青城山人謂仙去不死余嘗
論之使貞白得祿仕爲校書郎不免與沈范齊列
平仲功名立不過中興名將爵徹侯耳孰與仰
青雲睹白日之樂耶淄川高君釋褐成進士脫屣
一官輒棄家入勞山居上清宮晏坐終日餌芝朮
侶猿狄渴飲溪澗之流久之有所得歸卧一樓人
罕梯接其卒也預知時日殆亦貞白平仲之流與

君諱瑒字介如別字逸叟其先蒙陰人徙淄川曾
王父柳溪先生汝登德行稱於州里王父中丞公
舉萬曆庚辰進士巡撫浙江都察院右僉都御史
父所翔光祿寺署正君少有名場屋順治甲午中
山東鄉試康熙丁未舉禮部時君羣從兄弟方貴
盛人謂可驟躋華廡君笑不應躡屨五百里止海
上三勞山究道德參同之旨著放言集平生忼慨
重然諾其師孫文學通官糧立解裘贈之同年長
清董君有弟役旗下脫左驂代贖直百金他如董
致鄒昇霄張思泰輩所焚券不可訾算撫孤甥王

趙安克類外弟王之驪自髻髻迄成立里鄰誦義
焉又嘗出私錢葺文昌祠修龍虹橋置義學義田
其樂善不倦如是平居教授生徒多成名士登甲
乙科數人子之驪亦舉省闈其訓驪之言曰吾家
自柳溪公發畏天之學中丞公敬承之家始大汝
祖汝父率由罔斁以有今日人亦有言從如升堂
違如赴壑戒之哉人以此唐華原柳氏君之歿也
白髭更黑人以爲異生以天啟辛酉二月二十三
日卒以康熙二十三年甲子十一月十五日年六
十四配韓氏淮安府同知競秀女天性儉素終身

無金翠文組之飾撫諸姑遺孤皆時其婚嫁嫁兄
女五人無異已出人以為難生以天啟癸亥二月
十一日卒以康熙十七年戊午閏三月二十一日
年五十六子一人之駙康熙甲子舉人女子二人
一適唐夢師一適張叔慶孫四人肇脩太學生肇
體肇仕肇俸曾孫一人光緒以康熙二十五年九
月一日葬淄城北之新阡銘曰
以天地為蘧廬深味道腴其山澤之癯耶其列仙
之儒耶

容城縣教諭趙君墓誌銘

君姓趙氏諱明徵字哲公其先吳人也明初以軍功世襲錦衣衛曾祖輅歲貢生祖光遠以醫名明神宗朝爲侍直始籍大興父士通精於易著易圖說學者稱潛夫先生有三子君季也君自束髮出語卽驚其長老閨門孝友人無閒言尤重交遊然諾潛夫先生慕沈青霞之爲人學其畫梅往往奪真然頗自秘惜一日寫一枝於縑素自題絕句云桃杏色相別李奈性不同一發寒香後四子稱下風以授君君受而藏之益自刻厲執經於藁城彭

進士三益而與宗太守彝宋戶部翔爲友甲申逆賊李自成犯京師君扶母胡太孺人抱姪於篋避臺溪敝太孺人坐淺水中曰急則就深死一賊馳馬過之君以身翼母而蔽篋於右腋賊射君中胸太孺人倉皇欲投深淵君忍痛拔矢曰兒無恙也力持母起匿他所以免鼎革後潛夫卜居濟南顧謂君曰吾東西南北之人也顧西山丘墓在焉子歸矣其代我伏臘祭祀勿缺君於是獨歸京師奉祀事歲時集諸父昆弟祭畢而觴曰吾有親而離居爲祀先也後之子若孫日卽於疏祀或不畢集

憂喜慶吊或不相往來合族之義其謂之何則是
修祀事唯謹族用敦睦潛夫有兄士美葉岐黃老
而貧君構室備藥物家具以娛其老如事潛夫先
生友人劉國亮貧士也病且死泣謂君曰吾母年
七十吾又無子天乎奈何誰養吾母者君撫之曰
吾與君爲友子母吾母吾在子何戚卽子不言吾
已心許之古人不忘夙諾尚掛劍墓樹而況託子
以母乎劉死君葬之養母於家終其身以是君孝
義之名聞都下順治甲午與兄吉徵同舉順天鄉
試明年不第省父母濟南丁酉遊江寧病卒年僅

三十有七君卒後部選得容城教諭元配潘氏繼配楊氏苦節三十年撫孤子于京于蕃皆成立巡撫中丞疏聞於朝奉旨建坊旌表君可以含笑入地矣君生以天啟辛酉正月十一日未時卒以順治十四年丁酉四月十六日辰時子三人于京康熙辛酉山東舉人于申早卒于蕃廩生女子三人長適房俊次續嫁皆卒次適翰林院侍讀蕭君惟豫孫二人鶴禎鼎祺以康熙己巳閏三月初九日葬濟南玉函山之麓銘曰

月復於土魂氣則無不之朝乘回風暮載雲旗

裴回乎西山元豐是役

文林郎內丘縣知縣吳君墓誌銘

君諱瑄字舜玉別字西濤其先棗強人也明初從
濟南之長山曾大父文魁求平訓導大父三戒吳
橋教諭識范文忠公景文於諸生終階州學正父
凱縣學生贈文林郎平順縣知縣母沈氏封太孺
人君生而朗雋爲諸生好任俠已然諾交遊甚衆
家雖貧廓落有大志常慨然慕季布劇孟之爲人
人卽有急赴之甚於己私昏夜叩門未嘗以有無
爲解故人人樂與之遊年二十名已在諸公間矣
戊寅遭文林公喪濟南被兵君奉母奔迸山間造

次不廢書順治辛卯中省試已亥成進士丁未除
知平順縣縣在太行山谷中無桑麻絲枲之利君
行出見山多櫟樹曰是可蠶也自其家移蠶種教
民以收養繅織之法踰年人食其利縣磽确之水
泉祇二井隸官民汲十數里外君爲鑿池二名廣
百步清冽而甘居人便之鄰縣大猾某犯法詣
闕投匭部下之郡無敢窮其獄者上官知君才以
屬君君毅然繩以法絲髮無所貸其任職有心力
皆此類君二載遭太孺人喪服闋王子除知內丘
縣地當子午君爲治視平順而加詳密以暇日修

學宮進諸生與論文譽有杜異芳者貧士也君
其才推挽之成名士會滇黔告變羽檄旁午未幾
病作乙卯內遷需次歸濟南病日甚以戊午十月
卒君事太孺人有茅容之風其初中省試也太孺
人撫君而泣君亦泣平居出告反面如孺子余每
往來君家習見君所爲如是未嘗不太息交遊無
貧賤富貴終身不易爲孝廉時師事故太子太保
大司寇李公李公卒哭之盡哀在內丘日聞劉鶴
林中丞先兄西樵考功之訃適有公讌爲流涕罷
酒父母之喪致車千兩平生赴人阨因爲友人撫

遺孤甚衆未可一二數亦不自伐以爲德也太史
公曰緩急人之所時有也士窮窘而得委命此豈
非世之所謂賢豪間者耶君抵掌談笑往往鄙鄉
曲之儒抱咫尺之義姝姝煖煖自名聖賢之徒一
旦有緩急舉世無足恃者故自其少時任俠自喜
欲以矯流俗之所爲而兩仕終爲命不及大有所
表見噫其可悲已君生以天啟辛酉十二月初七
日卒以康熙十七年戊午十月二十五日年五十
有八娶安氏封孺人繼劉氏耿氏封孺人章氏子
三人長榮長源長城女三人適李有之王啟沉李

斯比孫二人弘勳弘協以某年某月某日葬某所銘曰
俠耶儒耶千里誦義而家無儋石之儲耶仕終百
里利劍而以拄車耶萬年之藏在此墟耶

葉母張宜人墓誌銘

康熙戊午黃州葉君井叔以博學鴻儒徵畱京師其妻張宜人歸武昌明年井叔報罷南歸宜人也前歿於是井叔哭之哀以書抵其友濟南王士禛俾誌墓中之石予讀之裋觸而悲昔吾妻張恭人之歿予在京師恭人且死恨不及與予相見數顧視牕間日景因嗚咽流涕覆面今井叔悼亡之悲與予同其情事又同語云悲者不可爲繫歟予於宜人何能已於言哉按狀宜人姓張氏吳之常熟人父凌虛翁雲鳳母陳氏凌虛翁爲廣濟典史免

官僑居武昌之樊口而非叔之父錦林先生亦籍
吳之嘉興官黃州衛經歷因相與爲婚姻癸未闖
獻二賊交訐於楚闖賊別將陷黃陂巡撫何公騰
蛟檄先生往攝縣事已而獻賊陷蘄逼黃州井叔
奉母太宜人渡江至武昌依翁以居黃州陷翁攜
兩家老弱走樊湖賊舸踵至宜人遂與父相失乙
酉先生遷知永明縣尋棄官湖居憐宜人之賢謂
太宜人曰此凌虛翁愛女也今其家凋喪止此藐
孤爲吾家婦當善視之宜人亦婉孌柔順能得翁
姑之歡家貧屢空闕甘旨然菽水菜羹必自烹飪

而敬進之事太宜人十有一年始終無閒年饑往
往采藜藿啜糠覈別以小罌爲飯進太宜人而已
嘗不飽太宜人患喉痺時天大雨雪井叔阻異縣
宜人朝夕待命長子道復披冰雪求藥草療之卒
不諱則擗踊哭盡哀歲時伏臘追思輒泣涕不已
其孝敬如此井叔爲諸生館里塾宜人有兩子一
女初笄澣濯春汲炊爨皆自爲之順治辛卯井叔
下第歸宜人泣語曰君之貧極矣姑暮景望君成
名亟矣曷勉之丙申春正月井叔將赴江夏謀食
於故人夙興待旦坐地鑪閒寒甚爨茅柴啜粥仰

天喟然曰天乎曷俾吾妻孥少免飢寒不至此極乎因泣下霑衣宜人曰君不嘗稱昔人牛衣之事耶兒女雖凍餓未嘗敢告庠以傷君心君何不自激昂而以咫尺之見墮志爲井叔起改容謝之丁酉井叔中省試時太宜人已歿捷書至井叔泣宜人亦泣已亥井叔成進士除延平推官宜人偕之官久之改補登封知縣稍遷兵馬司指揮宜人居恒以毋忘貧賤時相勉故井叔所至潔廉慈惠有循吏聲丁巳井叔遷主事需次京師明年被薦召試宜人以九月歸楚次明港驛而病絕復甦歸

數月幼孫德滋紹孫貽孫女孫鴻兒相繼歿
人屢哭之慟病復作遂不起康熙十八年十一
十五日也先是宜人食貧時常有嘔血疾及之
乎只月氣痛歲一二舉發至是增劇彌留之際
謂子女歎曰嗟乎我與而父共甘苦三十七年
已矣不得復面矣淚下如綆縻旣屬纊日猶視
子女哭慰再三始瞑嗚呼其可哀也宜人生以
明崇禎戊辰距其卒得年五十有二初封孺人
進封宜人子男二道復武昌縣學生道臨附例
監生女子二適王一鯤楊廷燕子與并叔以道
義文章爲

友交誼近古稔知宜人之賢而以貧病憂患終其身尤有足悲者爲銘其德與言之槩如此冀以慰吾友且以慰宜人於地下銘曰

生於吳葬於楚媚於姑舅克相夫子由困而亨胡不偕老樊山之陽大江之潯佑爾後人百世無咎

漁洋山人文略卷九

漁洋山人文略卷十

新城王士禎字貽上

誥授中憲大夫陝西分守河西道布政使司

左叅議穀州王公行狀

公姓王氏諱天鑑字近微別字穀州其先江寧縣人始祖政明洪武閒官宣府左衛正千戶遂占舊爲宣鎮人曾祖元春世襲千戶祖朝彥太學生父道舒萬全都司學生封承德郎禮部儀制清吏司主事母劉氏贈安人公生而清羸如不勝衣母置膝上口授孝經論語輒成誦爲諸生妻冠其儕偶

順治二年舉順天鄉試明年舉禮部除知恩縣恩

故員州地居河北山東要衝明末爲盜藪寇至令

長輒率居民空城去常一歲七失守公甫下車進

耆老諭之曰往歲之失由人無固志耳賊何能爲

自今勿復逃視令所向賊數萬奄至城下公方坐

城樓從容指麾賊疑有伏解圍去於是治樓櫓浚

壕塹爲門五爲樓二十有八又申約束嚴候望時

巡徼浹旬守具大備公又曰賊所以得狂逞者由

無以禦其外也乃按行鄉鄙舉古田役追胥之法

立寨卡有九扼要關隘日閒得步卒萬八千人

騎士三百戰具亦備賊根株窟穴悉除自是無敢
犯恩境者巡按御史特疏聞於朝巡撫都御史
屬公得自治兵是時榆林賊未平濟西東究諸賊
所在竊發遙爲聲援公廉得縣境賊渠數輩乘夜
馳至其鄉以馬箠叩戶呼其名甲乙無一誤者賊
錯愕出不意皆拜堂下願效死因盡得其情實與
嘗通賊者禽誅之其發姦擿伏皆此類也他邑有
寇警都御史輒檄公往賊聞其名至咋指相戒賊
據曹縣都御史督諸道兵會勦公率所部爲前茅
親冒矢石深入賊地諸軍繼之遂復其城一日追

賊急陷重圍顧從者才數騎冰中矢且盡日暮賊
大至合圍數重公殊死戰手殺傷數人潰圍出不
夫一騎馳至一村村人詢知爲公也駭曰適神祠
中泥馬自汗公豈得神助乎視之信然公在恩數
年與賊大小戰凡數百合馘俘招撫無算盜賊屏
息其在行營也又嘗救趙氏諸婦女完其家室活
孝廉耿某幼姪歸之不絕其世釋管永祥等冤獄
他如招徠流亡復業以數千計墾荒田至千八百
頃建育英書院俾諸生以時絃誦世中其貧而廢
書者瞻之一時循良能吏無出公右紀錄者三疏

薦者六生祠尸祝者五七年大計以卓異聞
袍服擢禮部儀制清吏司主事尋丁父艱服闋補
原官十一年

世祖章皇帝舉行籍田禮時掌故闕失公叅酌古
今典章釐然有陪祀與宴之命蓋異數也遷祠
祭司員外郎是秋典山東省試得人最盛十二年
進儀制司郎中提調會試會

上諭簡京朝官才優經濟者出爲監司公在選中
擢陝西布政使司左叅議分守河西道公至河西
與吏約曰側媚上官顛倒屬吏獵民枉法此不

牙而盜不知死所者也吏治爲之肅然公固長治
兵乃日按籍討軍實戒將弁勿以軍糈肥私橐軍
容一變公持已剛介至是屏絕苞苴唯日飲北地
水耳性慙直不善事上官年餘竟謝病歸先是未
有河西之命公一日讀空同集偶卜出處得慶陽
亦是先王地城對東山不窰墳之句頃之果驗人
以爲異至則葺不窰墓求獻吉之族歸田以後杜
門不出長吏罕覩其面構數椽曰墨莊積書數千
卷丹黃甲乙州次部居晨夕析疑義者惟胡君以
溫所謂東甌先生者也公門人翰林侍讀蕭君惟

豫出視畿輔學政按上谷公不與通既竣事生
無王氏子弟蕭謁公乃知公禁弗與試且曰師弟
契闊數年訊寒溫一語足矣豈以子弟相累蕭君
視畿輔學廉正爲本朝第一亦公有以成之也
門生或有餽遺卻弗受曰飭簠簋惜名節舉主食
報不淺矣林臥二十五年始終一節物望益高康
熙十三年戶部侍郎魏公象樞薦於朝公一再辭
竟不就居憂盡禮撫兩幼弟皆成立家居恤姻黨
贍宗族代畢婚嫁者甚衆魏公謂其有上馬殺賊
下馬草露布之才有一介不取一介不與之守晚

年涵養智深勇沉駿駿乎近於聖賢之自反者人
以爲篤論公生以天啟壬戌六月初一日亥時卒
以康熙二十年辛酉十月二十日子時得年六十
配張氏封安人子一人袞太學生女子一人適張
松年孫一人公虞明萬曆間先太師公節鉞鎮宣
雲與公之曾大父有通門之舊予雖未及見公然
少聞鄉先生言長吏廉直有幹局者必首公又聞
公辦賊方略甚具雖漢之尹趙無以過也而公里
居亦時時爲人道予姓字彌畱之際屬胡先生洎
弟錫言吾節死必王子狀吾行嗟乎公何以信子

言至是哉公門人以文章功業知名當世者項背
相望宜狀公以公易簣鄭重之語誼不可負也因
不復辭件繫事跡冀備史氏采擇謹狀

世父侍御公逸事狀

世父侍御公諱與屑字百斯大父方伯公次子也
崇禎戊辰進士改翰林院庶吉士授湖廣道監察
御史奉命巡鹽河東歸再命巡視茶馬著隴首集
多憂天憫人之言尋視學南畿拜命未行上疏劾
總兵官鄧玘縱兵殃民請斬玘以謝豫楚百姓玘
蜀人也恃輿援縱恣所過淫掠甚於賊疏上果大
忤政府罷歸歸治東園疊石爲小山穿渠引水有
若天然構流雲仙衣諸亭繚山上下春秋佳日輒
奉方伯公監輦出游甘爲農圃以沒世又飯心白

業精舍數椽左右列竺乾珠藏之文面壁輒終日
甲申三月聞流賊陷京師泣涕不食買舟利津之
三汊將浮於海聞海道梗夜起投水爲家人所持
不死買冰片潛服之又不死乃捨舟歸里笑謂家
人曰吾不死矣家人信之伺少怠夜半登樓與孺
人于氏子廩生士和同縊死甲申四月二十六日
也雷絕命詞壁間遺令薄葬公死時年五十六孺
人少於公一歲士和年二十八傳有之謀人之軍
師敗則死之謀人之邦邑危則亡之古今天經地
義所不得而逃焉者也公以放廢之身似可以無

死而必死乃屢瀕死而不死終言折不易其志而
以一死下報故君且與妻子從容俱死嗚呼可不
謂得死所者與

世祖皇帝既定天下俞魏公喬介請明末北京死
節之臣大學士范景文等二十三人皆予諡而公
死於家無狀公逸事以告史館者公死時士禎方
年十歲稍長與四方賢士大夫遊恐世父之事遂
湮沒而無傳也既乞能言者爲誌表傳贊自禮部
尚書錢公謙益而下凡若干人載之家乘謹狀如
右秉筆者冀有取焉

...

...

...

...

...

...

...

...

...

...

...

誥封朝議大夫國子監祭酒先考匡廬府君

行述

嗚呼痛哉昔歲壬子吾母恭人見背不孝等心絕
志悲而不敢稱鮮民者以有吾父在也今又十三
年而吾父祭酒府君復奄棄藐孤已矣無復望矣
上堂弗見入室又弗見已矣已矣鮮民之生不如
死之久矣荒迷痛疾恨不先驅螻蟻地下復痛念
同生四人士祿士祜皆已前歿府君未竟之志當
在不孝兩人不忍死敘述冀府君平生言行
稍表見於萬一府君諱與敕字欽文別字匡廬世

居青州之諸城古琅瑯地也始祖琅瑯公諱貴始徙新城爲新城人再傳善人公諱伍多隱德嘗植槐於門夢神人以簪笏纍纍布其上顧曰以報汝善人公生潁川公諱麟始以明經起家仕終潁川王府教授潁川公生忠勤公諱重光登嘉靖辛丑進士仕至貴州布政使司左叅議以采三殿大木平黑白羿蠻勞於王事歿贈太僕寺少卿忠勤公生司徒公諱之垣登嘉靖壬戌進士仕至戶部左侍郎贈本部尚書自潁川公已下三世皆以太師公象乾貴累贈少師兼太子太師兵部尚書太師

公母弟方伯公諱象晉登萬曆甲辰進士仕至
江右布政使方伯公四子府君季也初方伯公元
配成淑人生先世父茂才公諱與齡侍御公諱與
肩明經公諱與朋繼配張淑人生府君而早逝方
伯公尤憐之府君至性過人幼事方伯公備極孝
謹讀書具夙慧早歲受知提學項公夢源自後李
公喬湯公道衡汪公漸磐翁公鴻業相繼視學齊
魯皆以國士期之從方伯公遊宦京師四方益與
其名士縞紵贈答聲譽日起甲申

世祖章皇帝定鼎下

詔郡國拔真才貢入太學

提學房公之麒麟首以府君應選時中原初定判金
者頗懸異格以待而府君以方伯公年八十老矣
茂才明經二公旣前歿待御公又身殉國難遂絕
意仕進一赴廷對不謁選人卽歸侍方伯公子舍
柔色下氣雖羣牀必躬澣灑歲時率子孫奉觴上
壽一堂五世融融如也方伯公好舉祖宗勤儉遺
事以訓子孫府君退而反覆申繹其說以命不孝
兄弟期不孝兄弟讀書勵行早有成立以無墜方
伯公之教其言甚痛順治戊子先兄士祿舉鄉試
辛卯不孝士禎繼之壬辰士祿舉禮部方伯公願

之喜而後府君之心稍愜快也至乙未生禴舉
部癸卯庚戌士祐春秋再捷府君輒愀然痛方伯
公不及見癸巳方伯公捐賓客年六耄矣府君執
喪哀甚蔬食三年杖而後起每歲時伏臘家祭上
冢必愴慕盡哀三十年如一日也庚子二月不孝
士禴之官揚州府君謂曰汝年少爲吏且李宮也
民命繫焉慎之慎之吾將視汝是歲八月分較南
闡闡中得危疾已在死法府君顧復鞠育至廢寢
食凡三閱月而有瘳嗚呼痛哉欲報之德昊天罔
極雖廢蓼莪其能須臾忘哉不孝士禴官揚州五

載府君日以欽恤爲訓不孝受命唯謹幸免隕越
昔府君教也壬寅先恭人就養廣陵癸卯士祐舉
東省士祿典河南鄉試取道省覲不孝士禎又分
較武闈府君與先恭人顧之喜旣而悲謂諸孫皆
成立而方伯公不及待也乃繪方伯公生平出處
事蹟爲圖二十四以示我後人蓋府君終身之慕
如此甲辰不孝士禎量移禮曹府君扁舟東下尋
西泠舊遊訪老友吳先生思穆於湖上乃歸里士
祿士禎官京師恒寓書諄勉修職業勿忘國
恩老人得耕鑿作息爲唐虞之民足矣壬子先恭

人棄諸孤惟不孝士禎侍側已而士祿士祐自京
師士禎自蜀奔喪歸府君撫之而泣所以拊育之
有加迴憶是時府君在堂兄弟無故雖慈闈棄養
而晨夕溫清依然曩時撫今追昔抑何可得哉戊
午正月不孝士禎蒙

皇上特恩召對諭改翰林侍從三年擢拜國子祭
酒府君數數寓書謂聖恩曠世一遇報稱爲難
勗勉益至不孝士禎以久違定省屢思請告洗沐
弗許也甲子不孝士禎蒙恩擢詹事府少詹事
兼翰林院侍講學士尋奉命祭告南海府君待

之在平起居畢首諭之曰汝一書生蒙 聖恩拔
擢至此當益思所以報稱且

聖天子舉古巡守大典修望秩之禮而以小子卽
事懼或弗虔以負任使汝往矣勿以老人爲念明
日遂行然不孝士禎微窺府君容色肌膚殊減疇
昔心怛怛然懷歸益切及使事告竣便道過里從
容言報 命後當卽請假覲省府君猶不見許然
意殊愴然不孝士禎俯首飲泣不能復言甫旬日
府君力命趣裝遂發嗚呼痛哉詎謂是日卽不孝
士禎與我府君永訣之日哉士禎入都報 命

見後一日卽循例顙

恩歸省得

命

膝下有日矣豈意相距十日而府君竟不及待耶
易簣之際亦惟不孝士禧一人侍側嗚呼痛哉府
君素少疾病胸次恢廓音吐如鐘眉長覆目相者
謂壽當復如方伯公自壬子先恭人見背士祿士
祐相繼云亡十餘年來期功之喪無歲無之府君
盡然神傷飲食漸減馴至大故嗚呼痛哉府君平
生事親則孝從兄則敬先恭人歿後室絕侍媵者
十餘載教子姓嚴而有恩每春秋佳日輒置酒邀
邑中耆舊如傅侍御彤臣李京兆仲嘿徐隱君東

癡諸公小集西堂道舊故爲樂羣從伯叔晚年惟
天孫先伯獨存時時邀與諸兄弟讌集道祖宗勤
儉遺事如方伯公當日府君之歿也羣從兄弟行
哭失聲巷春皆罷是可以覘府君之德矣府君少
工駢麗之文晚年猶閒爲之中歲好爲詩不孝兄
弟閒請編錄輒不許曰吾偶寫懷抱如絃之有音
旣絃停音寂何用畱此枝贅爲耶府君少教不孝
兄弟自制舉業外詩歌古文詞縱其涉獵或以爲
言輒笑而不答然里中稱善教者必推府君今琴
瑟几杖猶在而音容邈不可追矣嗚呼痛哉不孝

士禎王子奉 命使蜀歸而先恭人見背今奉
命使粵歸而府君見背皆行萬里抱恨終天尤鮮
民之最不幸者民莫不穀我獨何害悠悠蒼天其
可問哉府君生於萬曆己酉年十月十一日亥時
歿於

皇清康熙二十四年乙丑九月二十八日酉時享
年七十七歲累遇 覃恩 誥封朝議大夫國子
監祭酒元配先慈孫恭人寧國府經歷孫公棻女
婦德母儀鄉里楷式詳大宗伯文貞王公少司馬
忭庭孫公所爲傳誌中子四人士祿順治戊子舉

人壬辰乙未進士吏部考功清吏司員外郎卒娶

張氏王氏士禧廩例准貢生候選州同知娶趙氏

士祐康熙癸卯舉人庚戌進士候選中行評博卒

娶焦氏繼娶張氏士禎順治辛卯經魁乙未戊戌

進士詹事府少詹事兼翰林院侍講學士娶張氏

女四人一適博興庠生劉倬一適鄒平乙丑進士

張璽一適淄川庠生畢盛肩女卒一適益都監生

趙作肅孫十二人士祿出者二啟演啟浣卒士禧

出者四啟溶啟澣啟沉啟深士祐出者二啟溶卒

啟淮士禎出者四啟涑啟渾卒啟汾啟泮孫女十

二人士祿出者四士禧出者二士祐出者三士禎
出者三曾孫十人啟演出者二兆郇兆郇啟浣出
者一兆郇啟濬出者一兆邠啟浣出者二兆邠兆
鄘啟深出者三兆邠兆邠啟涑出者一兆邠
曾孫女十二人啟演出者三啟濬出者五啟深出
者一啟浣出者一啟涑出者一啟汭出者一四世
孫二人祖章祖年兆郇出

誥封宜人先妣孫太君行述

嗚呼痛哉吾母棄不孝士禧等而逝也奄忽二載
日月不居旣祥且禫不孝等痛心泣血不能從吾
母地下飲食居處猶然自比於人不孝等罪莫可
追昔吾母之歿吾兄在京師嘗爲狀略其言曰不
孝士祿與弟士禎官京師久海內大人先生之官
於斯與四方文章之士之游集於斯者率多不棄
不孝兄弟聞母訃咸來徵訊母生平將製爲哀誄
之詞不孝不敢以哀亂回惑終不一述以負諸大
人先生盛心然哀亂回惑且迫奔喪不可久畱其

疏之弗能詳也請俟後狀蓋吾兄之言如此兄歸數月以哭母得危疾未及小祥溘然追吾母地下病且革猶顧不孝等以吾母行述爲言不孝等旣痛吾母又痛吾兄甫含毫輒哽咽罷去如是者又逾一年不孝等不敢忘吾兄之緒言以沒吾母之懿行今葬有日矣謹飲泣件繫事狀備作者采擇焉母姓孫氏濟之鄒平人始祖進以下歷金及元世爲軍民千戶九世祖本當明高帝時逐寇死金山下弟雄代之雄以靖難功累遷至指揮使守瀋關王漢陂爲作昭勇將軍碑者其裔孫也而本之

子孫畱爲鄒平人世以儒術科名顯自本以下夫
世至棫以太學生仕爲寧國府經歷卽不孝外祖
父也外祖母梁舉子女十人母其第四女生而疑
重不妄言笑幼從宦宛陵官舍一日與諸弟妹戲
遺火室中且然諸弟妹驚走母獨從容以絮被濡
水往覆爇處火立燼外祖父母以是奇之外祖故
倜儻多雅遊與伯祖太師公祖方伯公相善也而
長女嫁爲方伯公冢婦祖母張淑人一日過外祖
家見母器之因使伯母歸爲家君禮部公議婚姻
外祖父母曰是可以壻吾女矣十七來歸時曾祖

母品路太夫人已臥疾母三日拜牀下曾祖母
爲笑曰新婦賢而貴惜吾不及見也未幾路太
夫人卒母處諸姑妯娌閒無閒言亡不嘆太夫人
知人者母自傷不及事姑張淑人其事方伯公寒
燠以時澣洒必謹方伯公遊宦淮海吳門大梁武
林必以家君暨吾母自隨朝夕上食非母視寒煖
弗甘也癸未甲申閒帶甲滿天地時方伯公年八
十矣避兵轉徙異縣母以人獲紉置衣帶中晨必
手煎進之雖亂離不少怠方伯公性嚴重閨門之
中儼若朝典子孫輩稍失意輒跪之庭母聞之必

旁皇立待方伯公不意解則不敢食甲申以後方
伯公以遺老居田閒伯父侍御百斯公殯甲申三
月之難兩伯父曲江公壽三公又先卒惟家君朝
夕侍子舍方伯公憂門戶中落常爲不孝兄弟言
高曾以來堂構嗣續之難或至流涕母謂不孝等
曰爾祖耄耄日望汝曹成立汝曹下愚耶吾無望
焉爾汝曹幸知讀書不至自暴棄當及爾祖無恙
各自樹立慰老人暮景儻無所及卽吾與爾父受
萬石之養悔可追耶因泣下嗚呼痛哉此言猶日
在不孝等胸臆閒也不孝等每自家塾歸母聞履

聲輒從窗中呼之問兒輩今日讀何書爲文章當
祖父意否命列坐於側予之酒食或讀書塾中夜
分不歸則遣小婢賜卮酒餅餌慰勞之率爲常不
孝兄弟每會食輒談蓀以娛母母則大喜泊順治
戊子長兄士祿舉省試辛卯士禎羈貫魁一經明
年壬辰兄舉禮部時方伯公尚無恙母怡然曰兒
輩皆有成慰老人意吾願畢矣癸巳方伯公年九
十三考終里第母佐家君視湯藥浹月不歸寢舍
襲衾禭禭必躬必親勿之有悔厥後乙未士禎舉禮
部癸卯庚戌士祜春秋兩捷母念及方伯公之教

未嘗不喜而繼之以悲也母舉不孝兄弟姊妹八
人自辛巳爲長兄娶婦庚子送季妹于歸先後二
十年婚嫁始畢而母之鞠育顧復心力竭矣平居
諸婦女侍恒取高祖母一品劉太夫人閭範圖說
指示之曰先世以勤儉起家其不敢暇逸如此吾
之歸汝家也不及見劉太夫人顧猶及見路太夫
人路太夫人之以勤儉爲教不啻劉太夫人也汝
曹志之閭範圖說者曾祖大司徒公記高祖母生
平言行自其佐高祖太僕公於寒素以至大耋教
諸子姓登科第爲名公卿纖悉畢具後士禎官揚

州乃命畫史重繪於縑素焉不孝兄弟自髫鬣肩
隨未嘗離母膝下常春夜侍坐母愀然謂之曰兒
輩今讀書家塾父母日望攻文章取科第異時遊
宦四方動彌年載不相見欲如今日侍父母左右
其可得耶自非休沐歸或不幸以私艱歸汝兄弟
欲如今日聚首一堂又豈易得耶不孝兄弟聞母
言心竊痛之自乙未後諸兄弟服官中外無幾相
見迴憶母夙昔之語往往悲愴不能已至壬子秋
不幸罹大故長兄奔喪歸自京師又兩月士禔歸
自巴蜀不孝兄弟始聚哭吾母殯宮之旁而母不

及見矣痛哉痛哉乙未歲長兄以進士乞改教授
將赴東萊母誠之曰師道之廢久矣汝但慮德不
進道不篤懼不足爲人師勿以廣文秩卑而有慍
心焉庚子士禎赴揚州推官母送之澠水上曰汝
少年爲法吏吾懼之然揚故爾祖舊遊地也吾與
爾父少嘗隨侍今三十年風景猶夢寐見之孺子
行矣惟爾祖是程俾揚人謂王公有後是吾志也
壬寅迎養廣陵時失出法嚴一事被部駁輒至鐫
級母則謂之曰人命至重汝但心存公恕升沉非
所計也士禎敬受教多有所平反癸卯秋士祐舉

省試捷報至廣陵會長兄以吏部稽勲郎奉命
主河南解試便道起居拜堂下淮南人榮之明年
磨勘獄與兄以无妄頌繫者八閱月母憂甚至廢
寢食及事白省覲於揚母悲喜交集曰大患難後
兒乃不瘠老人瘠矣自是晨夕必呼兄與士禎對
食榻前視猶孺子且曰兒輩立身服官但求無愧
神明無忝先訓利鈍成敗有物司之吾固常以盛
滿爲憂兒今身名矍然蒙

主上恩放歸四里侍父母餘年吾又何憾是冬士
禎遷禮部又明年乙巳士祐迎父母於揚與長兄

方舟侍母歸里己酉士禎以儀制郎視權淮上母
令士禧偕行長兄及士祐侍母於家明年庚戌士
祐計偕成進士其秋長兄蒙恩牽復再起爲考
功郎母以春秋高不樂就養但時時寄語兒輩服
官清白勿忘方伯公之訓長兄在銓曹數年士禎
歷官儀曹計曹罔敢隕越則母暨禮部公教也是
時諸孫曾成童及在提抱者餘二十人旅進起居
母含飴樂之不孝等私喜眉壽可期詎謂天方降
割辛亥十一月廿七日忽遘痰疾不孝士禧士祐
倉皇延醫禱於神祈以身代已而稍甦但右臂不

仁語言蹇澀士禧等迎醫二百里外遣急足之京
師士祿士禎遍叩名醫方藥謀請急歸有日矣母
語禮部公寓書止之謂吾病良已兒輩作歸計是
違吾意非孝也竟不果請士子春夏母眠食甚適
閏七月家君偶患瀉痢母猶視理醫藥夫何家君
甫痊吾母繼病病三日竟以不起時八月初一日
也去客冬遘疾之日甫十閱月嗚呼痛哉當是時
長兄在京師士禎奉使西蜀士祐適他出未歸獲
永訣視含殮者惟士禧一人痛哉痛哉吾兄之歸
也泣謂不孝等曰天平吾乃不得爲阮孝緒乎夫

吾母教子四十年而不能從其志一母之養大亦
有言願欲食藜藿負米百里之外何可得也痛哉
母賢明有遠識知大體料事多奇中不類巾幗中
人從姑適張氏者老無子從姊適耿氏者侍御公
女也少失怙恃母遇之恩誼有加歲時問遺過於
諸女歷三十年如一日性樂施予甲申以前家故
粗給庚辛閒歲大祲母躬督臧獲作糜賑饑製絮
衣衣貧者或夙有逋負至是悉焚其券助家君綜
理家政內外肅然家人凜嚴君焉以文行教諸子
聞門有長者車轍未嘗不喜度雞剪髡未嘗不以

供客以不孝兄弟無似而坐不乏郭林宗輩客者
微母教寧有是耶訓諸女女孫恪執婦功動止皆
有禮法鄉黨之言閨範必以吾母爲稱首不孝少
讀春秋國語至公父文伯之母嘗廢書而嘆咨嗟
慨慕其爲人今述吾母罔敢有溢辭焉然竊謂於
柔正慈從之道備矣不孝同氣八人素無天折丙
午畢氏妹死母言輒涕零自是忽忽不樂壬子夏
病稍閒將爲第七孫啟渾娶婦未娶而渾死京邸
母聞訃神傷未兩月遂以見背哀樂之於人甚矣
嗚呼痛哉自母之逝未一載長兄又以身殉九原

有知當復侍母色養如
心哉母生於萬曆丁未
皇清康熙十一年壬子八月初一日亥時得年
十有六三蒙 聖恩初封宜人進封宜人子
長士祿順治壬辰乙未進士吏部考功清吏司員
外郎卒娶張氏王氏次士禧貢生娶趙氏次士祜
康熙庚戌進士娶焦氏繼娶張氏次士禎順治乙
未戌戌進士戶部福建清吏司郎中娶張氏次
人適劉倬張璽畢盛肩趙作肅孫十二人啟落啟
演啟浣啟涪啟涑啟沉啟渾啟涇啟汾啟添啟淮

秋河孫女十八曾孫四人光邵兆邵兆鄭會
孫女五人

漁洋山人文略卷十

漁洋山人文略卷十一

新嘉坡士禎字貽正

賜進士出身先兄東亭行述

嗚呼痛哉不肖同氣四人手足相依倚者四十年
爾時父母俱存兄弟無故出入肩隨不自知其樂
也自癸丑七月先長兄西樵死孝彈指九年思
昔家庠風味泯然不可復得今年叔兄視不肖京
邸象首甫半載示疾二日遽成永訣變生倉卒呼
嗚呼痛哉於是不肖同氣四人逝者半矣
兄字叔于一字子側號東亭先方伯公

君祭酒公第三子也先慈孫恭人以宗

子中十二月八日生於常熟官署時方伯公以系

政督蘇松四郡糧儲駐節此縣因小字虞山少

童簡默言笑不妄發性至孝在父母側怡聲下氣

進止不失尺寸與兄弟友愛最深蓋沉潛篤實其

天性也與不肖先後入家塾獨能強記年十許歲

時嘗雪夜集東堂長兄偶簡輞川絕句命屬和兄

詩先成有日落空山中但聞發樵響之句長兄激

賞每爲文必從此研練刻至順治丙戌年十五補

諸生娶妻孺人張氏黃岳拔

第二焦孺人卒甲午科試督學龔公時
文拔第一是歲鄉試後有恩詔選諸生秀異者
入國學戴先生以兄名充賦繼娶張孺人乙未長
兄與不肖同上公車兄亦廷試入都海內名流
投紵贈縞論交甚衆一時有三王之目丁酉秋試
與不肖舉秋柳社於明湖賦詩倡和播在人口是
歲復躋塲屋已亥不肖筮仕揚州庚子兄秋試又
不利聞不肖臥疾兼程至揚州榻前執手且悲且
喜病霍然良已時家嚴在官舍遂畱侍焉辛丑七
月歸覲先恭人不肖拏舟送至袁浦洒淚賦詩別

去是歲冬復南來康熙壬寅先恭人亦就養廣濟
定省之餘兄弟論文不啻家塾長兄時官吏部在
京師寄詩云聞道汝兄去提攜慰寂寥燈花開幾
許稚子喜應饒共試南泠水同看北斗杓何時如
意舞一破廣陵潮蓋羨兄與不肖聚首之樂而悵
已之離居也官舍有竹亭鶴柴雜植梅花辛夷修
竹兄每婆娑讀書其間長至北歸癸卯秋試受知
張給諫螺浮張禮部受菴兄有聲場屋十餘年至
是得雋年三十二矣是時長兄適奉命典河南
鄉試便道省觀江淮間傳爲盛事兩大人喜可知

也甲辰會試下第值長兄以舉動學生累兄留京
師職納橐餗黃塵赤日闌風伏雨蹴躡道路見者
莫不哀憐之久之事白兄弟更相慰藉長兄賦詩
四章贈兄其略云諒爲死喪憂且復數相見炎蒸
干不避霜露曉能踐拘幽昧消息緩急視子面患
難故舊疎艱虞友朋賤傷哉鵠原心匪石不可轉
傷哉痛哉兄友于之義至是極矣長兄至廣陵爲
不肖述兄急難狀至哽咽失聲後往往言之未嘗
不流涕覆面也傷哉痛哉是年冬不肖量移禮部
兄以乙巳春往迎兩大人與長兄方舟而北過寒

一日遂同不肖上京師丁未會試復下第戊申秋
南遊汎大江至姑孰攬青山白紵之勝多所題詠
明年春不肖奉使相見淮上庚戌會試受知相國
魏公大宗伯龔公少宰王公閣學田公翰林夏公
廷對在高等已而館選不得與適長兄再入吏
部兄爲畱止三月比歸里則不肖亦自淮上復命
便道過家自己亥以後兄弟聚首家園者止此旬
月耳辛亥冬先恭人遘疾兄與仲兄日夕左右侍
衣不解帶者數月壬子不肖奉命典四川試兄
視長兄京師而先恭人病復作八月見背兄徒跣

南奔長兄與不肖先後抵里倚廬共處朔風積雪
午夜相對飲泣視庚戌過家時哀樂忽如隔世矣
癸丑七月長兄殉母以死不肖兄弟疊罹大故痛
不欲生草土之餘相依爲命迄今回憶之淚猶簌
簌下也丙辰至京師謁選念家大人春秋高一爲
外吏遠近或不可知躊躇復止明年丁巳始以新
例援納中行評博戊午不肖蒙

聖恩改官侍從兄八月來京師聚首三月冬十一
月歸張孺人卒明年己未再遊吳越省戴先生於
杭州歸屢寓書不肖幽憂侘傺有憂生之嗟不肖

讀之且疑且懼亟寄書趣兄入都謂兄弟相依庶
幾蠲憂祛疾詎意憂能傷人竟至此哉兄以辛酉
二月至京師需次之暇讀書賦詩或奕棋至夜分
近和張文昌秋懷詩十章示不肖詞旨和平無悽
戾之音竊意其懷抱少舒又詎謂遂成絕筆乎八
月廿八日不肖生日兄對客談笑竟日廿九日晨
會食忽氣逆膈痛目不見物移晷稍閒而氣滯如
故九月朔日延醫診視謂肝火投以涼劑不肖疑
不可用兄不見聽是夜四鼓遂不救嗚呼痛哉病
二日無死法胡爲而至此極耶天平人耶兄平生

入孝出弟上順下篤勞苦彫萃而愛敬如一修
家法持身恭謹與人言退然若不勝力爲善於鄉
黨不失色於僕隸在家爲孝子悌弟在里中爲善
士在海內爲聞人年逾三十始一遇坎壈十餘年
名卒不挂朝籍而死嗚呼豈非天哉兄於文尤精
制舉業遠自震川萊峯具區石簣諸先正近逮正
希維節大士蘊生之文皆沉酣其中伐毛洗髓以
是屢困場屋風雨如晦鷄鳴不已志良苦矣詩初
學李長吉後悔之不復作庚子遊京口三山乃復
爲數篇南城陳伯璣刻傳之遊吳興白雀寺與萊

陽宋荔裳婁江王惟夏虞山嚴武伯吳江葉元禮
分韻賦五言古詩舉座嘆其清絕舟過犇牛賦詩
云楓葉蕭蕭露氣清蒲叢獵獵早潮生扁舟跂脚
聞風水便有長江萬里情菰林傳頌之友人計甫
草著論云吾友濟南三王西樵阮亭以早達故聲
譽驟起乃叔子之才豈肯作蜂腰者哉汪鈍翁跋
不肖兄弟尺牘云予與西樵貽上交相善得其手
蹟爲多暇日裝潢成卷時復披翫以當談笑中一
帖小異當是叔子筆耳其爲名流企羨如此兄孝
出至性居先恭人喪三年不入內寢長兄歿八年

言輒泣涕姪浣病中夜手調藥餌內行醇備人無
閒言雖生於世族而窮約連蹇紆鬱結轡有貧士
之所不堪者卒以是死嗚呼天長地久無相見期
傷哉痛哉兄在京師欲九日東歸與母舅筆巖表
兄東癡兩先生踐長白紅葉之約竟不能待也偶
簡兄篋中自記一條云康熙二十年四月二十三
日在京邸落第一齒此齒動搖已三年忽脫去如
釋負重然桑榆之感不覺戚然於心兄年甫及艾
不宜遽作許語豈神先告之動於不自知耶十年
以來師友零落長兄與兄則四十年兄弟而兼師

友者也而皆捐不肖長往矣天乎天乎何使我慘
酷至此極哉兄生於崇禎壬申十二月八日寅時
卒於康熙二十年辛酉九月初二日寅時年止五
十中康熙癸卯科舉人庚戌科進士候選中行評
博元配焦氏章丘巡撫寧夏都御史焦公馨孫女
建昌府推官贈太僕寺卿日芬女戶部左侍郎毓
瑞之妹繼配張氏淄川太子太保禮部尚書文淵
閣大學士張公至發孫女山西孝義縣知縣泰孚
女俱前卒子男二人啟淳庠生娶畢氏啟灌聘耿
氏女子三人適李爾趙執桓張秉鎮孫女二人啟

涪出撫於予男啟訪

誥封宜人先室張氏行述

嗚呼士禎數年來備遭骨肉之慘所與同憂患相慰藉者惟糟糠之婦耳今又溘焉長往藐諸孤呱呱無告士禎孑然一身羈孤千里欲歸不能欲畱不可人生至此天道寧論念結髮以來二十有六載甘苦患難無一不與婦共之忍不拭涕略述以負地下宜人姓張氏鄒平人曾祖諱一元巡撫河南都御史祖諱延登都察院左都御史諡忠定父諱萬鍾江南鎮江府推官母李孺人生母景碩人宜人生數歲明慧嫺姆教爲鎮江所奇愛而先吏

部兄鎮江兄止部公子壻也因復以宜人字予甲
申之亂公兄弟攜白口南渡僑居金陵乙酉去金
陵轉徙京口外舅以疾歿於金沙宜人隨諸母崎
嶇兵閒備歷艱厄丙戌始歸故里先慈孫宜人往
視之時宜人十歲髮覆額矣舉止如成人先慈歸
道之而喜可知也庚寅于歸年甫十四李孺人以
宜人少孤憐之結褵之夕教誡備至且以屬丘嫂
乃宜人敬事舅姑上逮先祖方伯公如女子之事
父母處諸姑姊姒曲盡恩禮時予方爲諸生與諸
兄讀書家塾每至丙夜不歸宜人一燈熒熒縫紉

以待無倦容辛卯予中省試乙未成進士李孺人
景碩人持宜人喜極而悲內外族黨畢賀宜人顧
歆然自下無幾微態色癸巳長兒啟洊生丙申次
兒啟渾生兩大人愈益喜謂新婦能相夫有成且
宜男也當是時兩大人年未及艾內外諸孫二十
餘人每晨起予兄弟前問安畢宜人與娣姒次第
集寢門諸孫輩雜進嬉戲於前兩大人顧而樂之
而宜人性勤儉柔婉以是尤爲先慈所愛己亥予
謁選人得揚州府推官明年庚子三月之任先慈
以幼妹將婚不果行惟家嚴就養官舍宜人承歡

順旨雖一衣一食勿弗躬親者壬寅先慈就養廣
陵會兒啟訪生宜人晨昏率諸子進食兩大人輒
欣然爲加七箸予服官五載兢兢以潔廉自勵庭
絕苞苴宜人怡然以兩家祖訓相勸勉以爲君能
如此始不愧清白吏子孫了無世俗交謫意凡薄
俸所入日用所出一稟家嚴未嘗有纖毫私蓄爲
羅綺金翠之飾也甲辰予量移禮部乙巳去揚州
是歲宜人始嬰疾丙午冬攜諸子來京師甫一日
病作幾殆松江朱君投以參附之劑三日復甦自
是強半在藥鑪間矣丁未戊申間予與汪戶部茗

文劉吏部公馘梁侍御曰緝李學士湘北陳閩
子端諸君爲文酒之會四方文士遊京師者時
邸舍宜人知予好賓客肴核酒茗必手治不以委
臧獲或鮭菜不繼輒脫簪珥付質庫中兩人更以
此相樂也憶辛丑在廣陵閩中友人許天玉公車
北上以缺資斧來告會囊無一錢宜人笑曰君勿
憂我爲君籌之除腕上跳脫付予曰此不足爲許
君行李費耶予亦一笑持遺天玉天玉作長歌記
其事頗援古賢媛爲比同里徐東癡隱君貧且老
雖凍餓不干人每嚴冬風雪無禦寒之計宜人輒

出絮帛屬予曰君得勿念徐先生乎曷以遺之其
與予同志相助大抵然也已酉兒啟沂生會予奉
使摧關清江浦攜家南下與宜人別於祝阿宜人
歸爲兒凍娶婦會兒渾入縣學爲諸生先是戊申
兒凍已入太學兩大人喜謂宜人曰爾吾幼子今
見兩孫成立一孫又已授室且汝夫婦少年已有
四男子大慰老人懷抱是歲九月宜人攜諸子子
婦俱南庚戌及瓜歸道里門是時先兄西樵再補
考功家兄東亭初成進士予以使事省覲宜人與
諸娣姒拜慶高堂宗黨皆艷稱之居無何宜人偕

予北上畱兒涑夫婦於家侍養兩大人行甫十日而兒婦以產歿矣家門多故實肇於此辛亥迎兒涑來京邸六月二十九日爲宜人設帨之辰兒子四人羅拜堂上宜人念兒婦愀然久之旣而曰吾少而孤今得天可謂厚矣又敢求多耶未幾兒浙病死宜人悲悼過甚又未幾聞先慈有疾予與先兄倉皇謀請急歸宜人亟贊成之而家書來謂先慈疾漸平復戒勿歸宜人日夕至廢眠食壬子正月遂命兒渾歸省製冠帔寄先慈手自經營者累日先慈見之猶爲一解顏也三月兩大人爲兒涑

繼娶是月兒啟汧生於京邸六月兩大人遣使迎
兒渾歸娶將行而渾病死宜人益悲不自勝自是
病日增形神日悴矣無何予奉使入蜀時兩喪愛
子宜人病骨支牀而余有萬里之行宜人慮傷予
心破涕爲笑反覆慰譬扶病治裝刀尺之聲與嗚
咽相聞惟恐予之聞之也初秋朔日出都宜人强
起闔門送予反袂拭面意若永訣者予途中寄詩
云何必言愁始欲愁離騷端只是離憂兩年再墮
童烏淚萬里虛爲諭蜀遊落日深山聞杜宇秋風
古驛下金牛傷心欲寫蠻箋寄十樣空傳出益州

次灞橋再寄詩云長樂坡前雨似塵少陵原上淚
霑巾灞橋兩岸千條柳送盡東西渡水人宜人見
之攬涕而已八月東歸途次聞先慈大故十一月
奔喪抵里臥起苦次踰月始與宜人相見相對如
夢寐矣逾年先兄又以哭母死予屢絕復甦宜人
涕淚之餘凡予飲食起居調護備至予非宜人其
不瀕於死者僅矣自先慈見背宜人事家嚴澣衣
拭潔滌灑罔敢或怠姊妹歸寧宜人食必與共織
紵周至諸姊妹嘗嘆曰吾輩無母微弟婦無歸矣
嗚呼悲哉勿論宜人夙昔婉淑無慚婦德卽五年

中爲予上事嚴親中恤姊妹力已殫矣心良苦矣
豈木石忍須臾忘之哉乙卯二月予報闕三月
遭寒疾宜人衣不解帶者月餘貌爲之瘠閏五月
予北上拜別先慈靈幃不覺慟哭宜人亦哭失聲
九月予暫歸省明年正月十一日再北上宜人歡
然無離別可憐之色嗚呼詎謂此別遂永訣耶春
夏間屢得家訊皆言無恙重九前一日忽接家嚴
暨兒輩手書言中秋前四日宜人忽得腫脹之症
需獲甚急時風雨竟日落葉滿庭行嘆坐愁徬徨
達旦次日遂遣急足南行豈知遣使之辰卽爲宜

人長往之日哉嗚呼悲哉士禎獲罪於天頻遭慘酷自庚戌後哭母哭兄兩哭子一哭姪一哭子爲期功之戚無歲無之今復哭宜人於千里之外予何以爲情哉抑人情最不能忘者所與共憂患之人也宜人十四歸予二十年甘苦兩人相與共之數載以來牛衣對泣憂患亦惟兩人共之今死者已矣生者奈何矧上有七旬老親下有呱呱諸穉誰代予仰事俯育者度宜人九泉有知目且不瞑矣宜人少失怙兩母氏相繼棄養景碩人之歿宜人在淮南不及見言輒涕零甲寅臘月始爲碩人

啟窆合葬既竣事曰十年來常懼湫先朝露無以
見吾母地下君爲我了此無復憾矣嗚呼孰意葬
逾期年宜人竟從母地下乎宜人孝敬出於天性
一鮮之微不進舅姑不敢輒嘗或在遠不能致未
嘗敢忘也予三蒙文綺之賜宜人必手自封識
寄上兩大人未嘗自御從宦將二十年無私貨無
私蓄尤人所難居先慈憂蔬食三載兒輩未卽吉
不令肉食每逢忌日及霜露之辰設祭必盡哀悽
愴終日與予終身相莊不聞諍語女奴終歲不聞
譙訶雖僮僕之子女時抱持啖以餅餌其慈惠如

是宜人生閥閥而綦縞自好有桓子孟之風一
數澣洒不忍易也予性疎散好讀書不問家人生
產宜人以勤儉佐予內外秩然今已矣今年夏予
偶讀文選至潘騎省悼亡詩輒閉目不欲觀又客
秋過河間和沈啟南鈞弋夫人歌一篇語近不祥
輒削藁他日入室思人流芳已歿遺挂壁憶騎
省之詩豈非神先告之乎悲哉宜人嬰生艱之至
極又薄命而早終病不及知歛不及見訣語不及
聞天荒地老此恨何窮哉宜人生於崇禎丁丑六
月二十九日丑時卒於康熙十五年丙辰九月初

十日午時得年四十生子四人長啟凍例監生娶
梁氏繼娶梁氏次啟渾庠生早卒次啟訪庠生聘
王氏次啟汧聘鮑氏

卷之五

嗚呼先生而遽返於真耶余嘗讀洪範九疇其言
五福一曰壽二曰富三曰康寧四曰攸好德五曰
考終命釋者曰人有壽而後能享諸福故壽先之
又曰康寧者無禍患也攸好德者樂其道也考終
命者順受其正也此五者王道之所先而古來賢
聖之所難必也乃今於先生畢備之而又何悲先
生天性坦白胸次恢廓視天下可喜可愕之事舉
無足以動其心而又遂於易理不啻韋編三絕漆
書三

也處之而無戚戚之色居貴而無赫赫之容馬伏
波云貴可使賤富可使貧人之所難惟先生實有
之九十五年帶索行歌不改其樂此先生之樂其
道也而且子姓繩繩先後以文章經術顯名當世
凡古賢聖之所難必者悉於一身備之計先生之
所未備者富耳然以清白貽子孫所得孰多累茵
列鼎非先生所屑也生而上壽歿而考終全受完
歸備時五福歷觀古今來如先生者有幾人哉榮
啟期貧士也衛武公賢諸侯也文潞公賢相也出
處名位不同而其年同其道同以予觀於先生殆

一揆矣而又何悲顧予之不能已於悲者予與先生
生生同里問世爲婚姻早歲論交白首無閒頗年
以來先生與耿伊諸翁修洛陽九老睢陽五老之
會予齒忝隨肩亦叨末席典型忽遠此樂中衰此
予之爲暮齒悲者一也先生而在能使鄉之風俗
還淳廉頑敦薄俾後生有所矜式所謂善人國之
紀也乃今已矣子皮死子產哭之曰吾無與爲善
矣此予之爲世道悲者二也寢門之慟謂予其能
已乎乘白雲而不返望黃鶴於帝鄉絮酒炙鷄靈
其鑒格嗚呼哀哉尚饗

祭孫無言文

嗚呼無言而竟死耶予與無言交二十年悉其爲
人大抵忘機而任真尚名義而鄙榮利棄妻子如
脫屣而於文章朋友之嗜不啻饑渴之於飲食故
無言一窮老布衣而名聞天下無言家在黃山三
十六峯之下遊廣陵不歸新安人之家廣陵者率
居奇羸操白圭之術而無言獨爲窶人居闌闌中
委巷掘門瓶無儲粟然四方名士過廣陵者必停
帆伏軾問孫處士家屏車騎造謁無言不甚爲詩
而好朋友之詩常刻諸家填詞獨購彭十美門之

作不可得一日附估船往海鹽予問之曰將訪彭
君耳然舟楫雖具實無隔宿之舂渡江徑去弗顧
陽羨陳其年贈以詩所謂秦七黃九自佳耳此事
何與卿飢寒指此事也無言之於文章朋友至性
類如是無言有子依其族人賈汴之朱仙鎮一昔
死窮益甚予在廣陵五年無言未嘗數數來見然
文字之飲未嘗不共尺一之牘終不一至也予在
京師慮無言貧老無以給饘粥有故人爲權使以
無言姓字語之旣而終不往見也人知無言之通
抑知其介如是耶康熙乙巳春先考功兄南遊廣

陵愛無言之爲人與之遍訪鶴林招隱諸名勝既而入吳適越亦挾與俱凡客西湖三月四方名士或因考功以識無言或因無言以識考功二人者交相重也先兄旣歿無言數有書抵予一死一生交情如昔予讀之未嘗不涕泗流離也乃今聞無言之死而益痛念亡兄腹痛之悲其能已乎客歲無言書來自言老營一室名曰繭窩同人多爲賦之索予詩未有以報也而無言死矣悲哉悲哉無言常欲歸隱黃山故廬索贈詩至數千篇或曰無言喜賓客厭寂寞其不歸黃山必矣乃今而後真

不歸矣又聞無言有親未葬其歸者欲以葬其親也而今竟已矣豈不尤可悲哉予欲爲無言立傳而未果因略述平生與予兄弟論交者如此以付其族弟思遠俾告於褚墓之前無言有靈尚其鑒我嗚呼悲哉

祭張母景孺人文

嗚呼叔姬歸鄴春秋必書詳卒及葬聖經炳如維
臣有君維婦有夫疾風勁草大節不渝絕脰引決
慷慨捐軀飲冰茹檠隱忍存孤二者孰難譬嬰杵
臼下報易耳嬰功則右猗與孺人五代相門時移
運往流風厯存晉陽之祥鍾爲女士白玉青松芳
蘭貞桂泉丘異孟絡秀同周邦之媛兮君子好逑
德容言功罔不美備圖史在陳珩璜是佩維鎮江
公義薄天雲孺人相之中饋是勤維李夫人德齊
樛木孺人佐之壺儀攸肅清河鼎貴列戟盈門綺

穀阿錫璵縞瑤琨孺人居之澹然荆布無非無儀
含貞履素銅馬之亂盡室南轅絕淮涉江道路間
關孺人從之憂患共濟上慰夫子下撫童稚天胡
不吊鎮江云俎白馬旒旒哀哀道塗大樹飄零寒
風蕭瑟將相鬚眉國殤魂魄天衢旣泰南北彞行
孤兒弱息旋歸故鄉烈哉孺人甘荼如薺皎日秋
霜誓死勿貳宛若相依星二十周語不闢門操視
栢舟提攜弱女姆教孔至我思古人大家無愧心
力旣殫成此室家謂享壽考景福方遐阿母西池
夫人南嶽鶴馭忽來雲研竟邈羲御不待干支倏

逾九原虛左來何暮與是白之陰載啟舊隧瞻
靈輶潸然涕泗嗚呼哀哉

道洋山人文略卷十一

山人文苑卷十一

鍾惺評語

此卷載本朝名臣其自注如左

